

Broj: 101-17121/22 DžS  
Zenica, 13.12.2022. godine

Na osnovu člana 69., stav 2., tačka (a), člana 70., stav 1.,4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-17120-1/22 DžS od 13.12.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## ODLUKU

### o poništenju postupka za nabavku električne energije

I

Poništava se postupak javne nabavke za nabavku električne energije iz razloga što nije dostavljena nijedna ponuda - član 69., stav 2., tačka (a), Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-15842/22 BS od 14.11.2022.godine. Javna nabavka je provedena putem otvorenog postupka za dostavu ponuda sa zaključivanjem okvirnog sporazuma u trajanju od 12 mjeseci.

Procijenjena vrijednost javne nabavke bez uračunatog PDV-a je 300.000,00 KM.

U prilogu Izvještaja o radu Komisije dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 12.12.2022. godine.

Rok za dostavljanje ponuda je bio 08.12.2022. godine do 11:00 sati.

U prethodno navedenom roku na protokolu Javnog preduzeća „Vodovod i kanalizacija“ d.o.o. Zenica nije zaprimljena nijedna ponuda.

Komisija za nabavku imenovana je Odlukom broj: 101-9226/22 BS od 27.06.2022.godine.

Komisija za nabavku je dana 13.12.2022. godine direktoru preduzeća dostavila Izvještaj o radu Komisije za nabavku broj: 501-17120/22 DžS od 13.12.2022. godine sa preporukom o poništenju postupka za nabavku električne energije.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 0 (nula).
- da je blagovremeno zaprimljena 0 (nula) ponuda.
- da nema neblagovremeno zaprimljenih ponuda.
- ukupno 4 (četiri) ponuđača su preuzela tendersku dokumentaciju sa Portala javnih nabavki.

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom, Komisija je ocijenila, da nije pristigla nijedna ponuda tako da se postupak poništava na osnovu člana 69., stav 2., tačka (a), Zakona o javnim nabavkama.

Shodno prethodno navedenom, Komisija je dala Preporuku da se poništi postupak nabavke električne energije jer nije zaprimljena nijedna ponuda.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (a) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DIREKTOR:

  
Pašalić Emir, dipl.ing.građ.



#### **DOSTAVLJENO:**

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1x Pom.dir.za razvoj i invest.
- 1 x Komercijalna služba
- 1 x Inženjer za nadzor vod.sistema
- 3 x Članovima Komisije
- 1 x Sekretar Komisije
- 1 x a/a